

Igls meis d'avost 2016 ò la suprastanza communal tracto tranter oter igls suandonts affars:

Lubientschas da biagier:

- Lubientscha da biagier ad Anina ed Armando Janett-Sonder pertutgont construcziun tgesa d'ena famiglia cun garascha dopla a Savognin (parc. nr. 4287, Veia Sot Spondas).
- Lubientscha da biagier a Larissa Steier pertutgont tanc da rimnar fecalias sainza deflusiun tar acla a Riom (parc. nr. 6565, Fotgs Sot).

Ulteriours affars:

- Surdo las lavours da planisaziun pertutgont la sanaziun dalla veia Spegnas a Rona agl biro d'inschignier e misiraziun Planisaziun Sonder da Salouf.
- Surdo las lavours da sanaziun dalla reit d'electricitad sen l'alp Flex all'interpresa Electro Luzio Michael da Cunter.
- Concedia ena contribuziun alla Scol'ota da tecnica ed economia HTW a Coira an connex cun l'elaboraziun digl project "InfraTour – cumegns scu interpresas turisticas". Igl project vign elaboro an collaboraziun cun divers cumegns turistics digl Grischun.
- Sancziuno igl concept per la construcziun ed igl mantignamaint dallas plazzas da giueir.
- Sancziuno igl aveis public cun dretg da recurs pertutgont l'introducziun digl scumond da parcar segl areal dalla tga da scola Barnagn a Savognin per la publicaziun aint igl figl uffizial.
- Delibero la lescha da pumpiers digl cumegn da Surses per mangs dalla radunanza communal.
- Approvo igl reglamaint da salarisaziun e da casteis dalla basa da pumpiers Surses. Igl reglamaint vo an vigour retroactivamaintg sen igl 1. da schaner 2016 cun la resalva dall'acceptanza dalla lescha da pumpiers antras la radunanza communal.
- Delibero la lescha davart igl menaschi dalla reit da distribuziun e la furniziun d'energeia dall'ovra electrica Surses (lescha d'electricitad) digl cumegn per mangs dalla radunanza communal.
- Approvo l'invitaziun cun glista da tractandas per la radunanza communal digls 29 d'avost 2016.
- Sancziuno igl messadi per la radunanza communal digls 29 d'avost 2016.
- Sancziuno igl program cun invitaziun pertutgont la benedicziun d'ena crousch e l'installaziun da tala sessour sen igl Piz Calderas. La ceremonia ò li igls 8 d'otgover an cumbinaziun cun la "Tundeida" a Savognin.
- Eligia formalmaintg Ricardo Arpagaus da Cunter scu cumandant digls pumpiers da Surses e Tiziano Bruseghini da Savognin scu vicecumandant.
- Decidia da far spustar la tavla "tempo 50" a Cunter dall'otezza dalla tga da scola viglia giu tar la stierta da Nalonder.